

。朝年無水旱之虞。然後訓令遊食之民。盡歸於農。則出產口繁。四民之日食有賴。不徒商業從此蒸蒸日上。則民有恒產。自不流為匪類也。

中外新聞

洪門第二次懇親大會代表團

會議六誌

金門函。九日續行會議。內有草案兩起。關於洪門機關報事。其誌如下：（一）維持洪門機關報。金門大同日報。（在大埠）為海外洪門總機關報。實為洪門之喉舌。洪門全體之耳目。原係黨報性質。歷由金門總堂撥款。及各埠致公堂兄弟助款。極力維持黨報。凡屬致公堂昆仲。要取聞本黨報。藉知洪門黨務之進行。亦表示熱心洪門之真意。由各埠致公堂擔任。力勸各昆仲同閱黨報。務與黨務之發達。經各代表討論。全體通過。（二）籌辦洪港開辦黨報。以洪門之宗旨為宗旨。實為海內外洪門交通之耳目。仿招股營業辦法。由各埠致公堂及各昆仲認股。由金門總堂通告。聯合舉辦。鼓吹黨務之進行。亦為社會教育之大助力。經各代表決議通過。此次懇親會議。各代表提議草案。討論未畢。翌日方告結束。禮拜日行閉會禮。